



ԵՐԵՎԱՆԻ
ԶԱՂԱԶԱՊԵՏՍՐԱՆ

ՔԱՆԱՔԵՌ- ԶԵՅԹՈՒՆ ՎԱՐՉԱԿԱՆ ՇՐՋԱՆ

2017
ՏԱՐԵԿԱՆ
ՀԱՇՎԵՏՎՈՒԹՅՈՒՆ



Սիրելի համաքաղաքացիներ,

Երևանի քաղաքապետարանն ամփոփում է աշխատանքային տարին արդեն ավանդական դարձած տարեկան հաշվետվությունների թողարկմամբ: Լիափույս եմ, որ դուք կթերթեք հաշվետվության էջերը և կծանոթանաք անցած տարվա ընթացքում Ձեր վարչական շրջանում կատարված աշխատանքներին: Ուրախությամբ

եմ արձանագրում, որ Երևան քաղաքի բոլոր վարչական շրջաններում մեծածավալ աշխատանքներ են իրականացվել, և տարեվերջին կարող ենք վստահ ասել, որ ձեռքբերումների շարքը ոգևորիչ է: Պետք է նշեմ, որ այդ գործում իրենց զգալի լուծման հավասարապես ներդրել են ինչպես մեր բնակիչները, այնպես էլ վարչական շրջանների ղեկավարները:

Վստահ եմ, որ առկա որակական փոփոխությունները՝ բարեկարգված բակային տարածքները, կառուցված խաղահրապարակները, ավելացած կանաչապատ տարածքները, բարեկարգ ու լուսավոր մայթերն ու փողոցները իրենց անմիջական ազդեցությունն են ունենալու Երևանի յուրաքանչյուր բնակչի կյանքի որակի և ընդհանուր քաղաքային միջավայրի դրական փոփոխության տեսանկյունից:

Վստահ եմ նաև, որ այն տեսանելի արդյունքը, որ արձանագրել ենք հարմարավետ քաղաքային միջավայր ստանալու գործում, լինելու է յուրաքանչյուրիս հոգատար վերաբերմունքի ու հոգածության առարկան, ինչն էլ թույլ է տալու իրականացնել նոր ծրագրեր՝ մեր մայրաքաղաքի և նրա վարչական շրջանների զարգացումը դեպի երկրաժամկետ հեռանկար ուղղորդելու նպատակով:

Տարն Մարգարյան
Երևանի քաղաքապետ



Քանաքեռ-Զեյթուն վարչական շրջանի հարգելի՛ բնակիչներ,

Վերջին տարիներին Քանաքեռ-Զեյթունը նկատելի ու շոշափելի դրական փոփոխություններ է ունեցել թե՛ բակային տարածքների բարեկարգման, թե՛ կանաչապատման ու արտաքին լուսավորության և թե՛ խաղահրապարակների թվի ավելացման առումով: 2017 թվականը դրական փոփոխությունների առումով բացառություն չէր: Քանաքեռ-Զեյթուն վարչական շրջանի ղեկավարությունն ու բնակիչները սերտորեն համագործակցում են ընթացիկ խնդիրները լուծելու և Քանաքեռ-Զեյթունն ավելի շենացնելու ու բարեկարգ դարձնելու ուղղությամբ: Այդ համագործակցությունը և փոխօգնությունը թերևս ամենաարժեքավոր ձեռքբերումն է և փոխադարձ վստահության խորհրդանիշը: Լիափույս եմ, որ հետագայում մենք կունենանք նոր ձեռքբերումներ և կիրականացնենք բազում օգտաբեր ծրագրեր՝ ի շահ և ի բարօրություն Քանաքեռ-Զեյթունի:

Քանաքեռ-Զեյթուն վարչական շրջանի ղեկավար
Արթուր Ստեփանյան

ՇԻՆԱՐԱՐԱԿԱՆ ԵՎ ԲԱՐԵԿԱՐԳՄԱՆ ԱՇԽԱՏԱՆՔՆԵՐ

2017թ. Քանաքեռ-Զեյթուն վարչական շրջանում իրականացվել են ընթացիկ վերանորոգման, փողոցների, մայթերի և բակային տարածքների ասֆալտապատման աշխատանքներ **40470** քմ ընդհանուր մակերեսով:



ԲՆԱԿԱՐԱՆԱՅԻՆ ՖՈՆԴԻ ՊԱՀՊԱՆՈՒՄ

2017 թ. բնակարանային ֆոնդի պահպանման ուղղությամբ կատարվել են ջրատար խողովակների նորոգման, շքամուտքերի դռների ապակեպատման, շքամուտքերի վերանորոգման և այլ տիպի աշխատանքներ:



- ✓ Նորոգվել է **390** գծմ ջրթափ խողովակ:
- ✓ Ապակեպատվել են **200** քմ ընդհանուր մակերեսով շքամուտքերի դռներ և լուսամուտներ:
- ✓ Վերանորոգվել է **35** շենքի **80** շքամուտք:
- ✓ Վերանորոգվել է **3612** քմ ընդհանուր մակերեսով 25 հարթ և **1967** քմ ընդհանուր մակերեսով 58 թեք տանիք:
- ✓ Իրականացվել են բակային տարածքներում վնասված գույքի վերականգնման և բարեկարգման աշխատանքներ:



ԲԱԿԱՅԻՆ ՏԱՐԱԾՔՆԵՐԻ ԲԱՐԵԿԱՐԳՈՒՄ

2017 թ. զգալի աշխատանք է կատարվել բակային տարածքների բարեկարգման ուղղությամբ:



- ✓ Նկարագարվել է **27** բակ:
- ✓ Շահագործման է հանձնվել մինի ֆուտբոլի 1 խաղադաշտ:
- ✓ Շահագործման է հանձնվել բակային **3** տարածք:
- ✓ Տեղադրվել է մանկական **5** խաղ, **22** մարզասարք:

Շահագործման
հանձնված բակային
տարածքներ

Տեղադրված
համալիրների,
մանկական խաղերի,
մարզասարքերի քանակ

2015	3	34
2016	5	23
2017	3	27



ՍՈՑԻԱԼԱԿԱՆ ԱԶԱԿՑՈՒԹՅԱՆ ԾՐԱԳՐԵՐ

2017 թվականին վարչական շրջանում մշտական ուշադրության կենտրոնում են եղել սոցիալական աջակցության ծրագրերը:



- ✓ Վարչական շրջանում գործող երեք բարեգործական ճաշարաններում օրական մեկանգամյա սնունդ է ստանում շուրջ **450** անձ:
- ✓ Վարչական շրջանում գործող երկու` Գերմանական Կարմիր խաչի «Գթության խոհանոց» և «Առաքելություն Հայաստան» ԲՀԿ-ի բարեգործական ճաշարանների շուրջ **360** անձի համար ՀՀ պետական և եկեղեցական տոների կապակցությամբ կազմակերպվել են տոնական միջոցառումներ (Կանանց միջազգային տոն, Սբ. Հարության տոն):
- ✓ Աշխատանքի միջազգային օրվա կապակցությամբ պատերազմի և աշխատանքի **50** վետերանների տրամադրվել է սննդի փաթեթ:
- ✓ Ընտանիքի միջազգային օրվա կապակցությամբ չորս և ավելի անչափահաս երեխա ունեցող **40** ընտանիքի հատկացվել է սննդի փաթեթ:
- ✓ Մայիսյան Հաղթանակի տոների կապակցությամբ Հայրենական Մեծ պատերազմի **147** վետերանների, հաշմանդամ ազատամարտիկների և արցախյան ազատամարտում զոհվածների ընտանիքների հատկացվել է դրամական աջակցություն:
- ✓ Զոհված, հաշմանդամ դարձած զինծառայողների, ծնողազուրկ ու սակավ ապահովված բազմազավակ ընտանիքների 7-13 տարեկան **70** երեխաներ իրենց ամառային հանգիստն են անցկացրել Ծաղկաձորի «ԼԱՎԱ Աղբյուր» ճամբարում, իսկ **200** երեխաներ` վարչական շրջանում կազմակերպված երկու բակային ճամբարներում:
- ✓ Սեպտեմբերի 1-ի` «Գիտելիքի օրվա» կապակցությամբ վարչական շրջանի սոցիալապես անապահով ընտանիքների **338** դպրոցականի, որոնցից 22-ը` սիրիահայ, տրվել է դպրոցական պիտույքների փաթեթ (պայուսակ և գրենական պիտույքներ):
- ✓ «Էրեբունի-Երևան 2799» տոնակատարության սոցիալական բաղադրիչով, Երևանի քաղաքապետարանի աջակցության ծրագրով, վարչական շրջանի **212** ընտանիքի հատկացվել է կենցաղային տեխնիկա:
- ✓ 2017թ. ապրիլ և հոկտեմբեր ամիսներին ԼՂՀ-ում և ՀՀ սահմանամերձ գոտիներում ծառայող երևանաբնակ ժամկետային զինծառայողների **263** ծնողներ այցելել են գորամասեր:
- ✓ Ամանորյա տոների առիթով սոցիալապես անապահով **1378** անձի տրվել են սննդի փաթեթներ, իսկ **2400** երեխաների` նվեր-փաթեթներ:
- ✓ Հասարակական կազմակերպությունների («Վորլդ Վիժն Հայաստան», «ՍՕՍ-Մանկական գյուղեր» ՆԲՀ, «ԱՌԴԱ» ԲՀ, «Քեթրին» ՀԿ և այլ) հետ համագործակցությամբ իրականացվել են սոցիալական և կրթական ծրագրեր` շուրջ **900** սոցիալապես անապահով և ՎՇ-ում բնակվող սիրիահայ ընտանիքների համար:



ԿՐԹԱԿԱՆ ԾՐԱԳՐԵՐ

2017 թ. իրականացվել են աշխատանքներ նախակրթական հաստատությունների վերանորոգման, սննդի որակի ստուգման, կրթամշակութային միջոցառումների կազմակերպման և այլ ուղղություններով:



✓ Ավարտվել են հիմնանորոգման աշխատանքները վարչական շրջանի հ. 162 մանկապարտեզում, ամբողջությամբ հիմնանորոգվել է նաև թիվ 160 մանկապարտեզը, բարեկարգվել է բակային տարածքը:



✓ Կազմակերպվել է փորձի փոխանակում՝ վարչական շրջանի և ԼՂՀ Շահումյանի շրջանի Քարվաճառ համայնքի կրթության ոլորտի մասնագետների միջև:



✓ Ապահովվել է 1911 երեխայի նախադպրոցական անվճար ուսուցում:



2017 թ. վարչական շրջանում առանձնահատուկ աշխույժ է եղել մշակութային կյանքը:

Քանաքեռ-Զեյթուն վարչական շրջանում նշվում են շՆ տոնական և հիշատակի օրերը, պարբերաբար կազմակերպվում են տարաբնույթ թեմատիկ միջոցառումներ, հանդեսներ, ցուցահանդեսներ, խաղեր և մրցույթներ:



- ✔ Բուն Բարեկենդանի տոնին վարչական շրջանի դպրոցների աշակերտները միացել են համաքաղաքային երթին, Ա. Տեր-Ղևոնդյանի անվ. երաժշտական դպրոցի «Արմենիա» պարային համույթը և Ղ. Սարյանի անվ. արվեստի դպրոցի դիոլախարների համույթը մասնակցել են համերգային ծրագրին:
- ✔ Սուրբ Աստվածածնի Վերափոխման (Խաղողօրհներքի) տոնի առթիվ վարչական շրջանի Սբ. Հակոբ եկեղեցում կազմակերպվել է ծիսական արարողություն և բերքի օրհնություն, որից հետո այն բաժանվել է բնակչությանը:
- ✔ Այցելություն Մարի Իգմիրլյանի անվ. մանկատուն, ՆՕՖ և «Զատիկ» երեխաների աջակցման կենտրոններ, ինչպես նաև կազմակերպվել է էքսկուրսիա Կենդանաբանական այգի:
- ✔ «Երևանյան ամառ» ծրագրի շրջանակում վարչական շրջանի Դ. Անհաղթի անվ. պուրակում կազմակերպվել է «Քանաքեռ-Զեյթունի ամառային անուրջներ» խորագրով ամառային գլխավոր միջոցառումը:
- ✔ Իրականացվել են ամենաշաբաթյա զվարճալի բակային ծրագրեր, ինչպես նաև 5-օրյա բակային ճամբարներ 2 փուլերով վարչական շրջանի հ. 84 և հ. 117 դպրոցներում՝ ՍՕՍ մանկական գյուղեր ՆԿ-ի և «Վորլդ Վիժն» ՏԶԾ-ի հետ համատեղ:
- ✔ Կենտրոնացված գրադարանային համալիրում մեծ շուքով նշվեց Գրադարանավարի օրը, որտեղ ներկա են եղել 2 մասնաճյուղերի ներկայացուցիչներ, վարչական շրջանի դպրոցների աշակերտներ, մանկավարժներ և գրադարանավարներ: Վարչական շրջանի ղեկավարի անունից հանձնվել են շնորհակալագրեր վաստակաշատ գրադարանավարներին:
- ✔ Մշակութային կյանքի ակտիվացմանը նպաստեցին վարչական շրջանում գործող՝ Ա. Տեր-Ղևոնդյանի անվան երաժշտական, Ղ. Սարյանի անվան և Ս. Բարխուդարյանի անվան արվեստի, Մ. Ավետիսյանի անվան կերպարվեստի դպրոցների, «Զեյթուն» մշակութային կենտրոնի վոկալ, պարային, փողային, լարային, նկարչական, ուլունքագործության, կավագործության բաժինների սաների բացօթյա բաց դասերը, որոնք տեղի են ունեցել դպրոցների հարակից տարածքներում, և որոնք թույլ տվեցին հայ արվեստն ու մշակույթը հասանելի դարձնել բոլորին:
- ✔ Արտադպրոցական կրթություն է ստացել **1798** երեխա:

ՄՊՈՐՏԱՅԻՆ ԾՐԱԳՐԵՐ

2017 թ. աշխույժ է եղել նաև վարչական շրջանի սպորտային կյանքը, սպորտային հաստատությունների սաները պատվավոր տեղեր են զբաղեցրել տարբեր նշանակության մրցարշավներում:

- ✓ «Զեյթուն» մշակութային կենտրոնի շախմատի խմբակի սաները մասնակցել են հունվարի 8-ից 16-ը Հայաստանի շախմատի ակադեմիայում անցկացված Անդրանիկ Մարգարյանի հիշատակին նվիրված 7-րդ հուշամրցաշարին:
- ✓ 2017 թ. մարտի 25-ին ավանդական կարատեի Զեյթունի մասնաճյուղի սաները մասնակցել են ք. Հրազդանում կայացած ակումբային առաջնությանը, իրենց ուժերը փորձել են կատա, կումիտե և կիիոն մրցաձևերում: Զեյթունի մասնաճյուղը այս անգամ ներկայացրել էր 11 մարզիկ, որոնցից 6-ը արժանացել են հաղթողի կոչմանը, իսկ մյուսները դարձել մրցանակակիրներ:
- ✓ Մարտի 17-ից 18-ը Երևան քաղաքում կայացած Զորավար Անդրանիկի հիշատակին նվիրված հունա-հռոմեական ըմբշամարտի բաց առաջնությունում Քանաքեռ-Զեյթուն մանկապատանեկան համալիր-մարզադպրոցի սան Էդգար Միերյանը գրավել է 3-րդ տեղը:
- ✓ Մասնակցություն չէ Անկախության 26-րդ տարեդարձին նվիրված հանրակրթական դպրոցների 26-րդ մարզական խաղերի մրցումներին:



- ✓ Կազմակերպվել և անցկացվել են չէ Ազգային Ժողովի Գավաթի խաղարկության մրցումները:
- ✓ Քանաքեռ-Զեյթուն վարչական շրջանի ֆուտզալի թիմը, ներկայացնելով Երևան քաղաքը Վանաձորում ընթացող չէ Անկախության 26-րդ տարեդարձին նվիրված 26-րդ մարզական խաղերի հանրապետական փուլում, գրավել է 1-ին պատվավոր տեղը:
- ✓ Մ. Ներացու անվան ավագ դպրոցի բասկետբոլի տղաների թիմը մասնակցել է չէ Անկախության 26-րդ տարեդարձին նվիրված հանրակրթական դպրոցների 26-րդ մարզական խաղերի քաղաքային փուլի մրցումներին:
- ✓ Կազմակերպվել և անցկացվել են «Լավագույն մարզական ընտանիք», ինչպես նաև «Առողջ սերունդ՝ պաշտպանված հայրենիք» համաքաղաքային բակային փառատոնի մրցումները:
- ✓ Քանաքեռ-Զեյթուն վարչական շրջանի ավանդական կարատեի մարզիկները մասնակցել են օգոստոսի 6-ին Սոչի քաղաքում կայացած ավանդական կարատեի միջազգային ակումբային մրցաշարին, որտեղ անհատական կումիտե մրցաձևում Միքայել Մաթոսյանը գրավել է պատվավոր 1-ին, իսկ Էրիկ Հովսեփյանը՝ 2-րդ տեղը:
- ✓ Մասնակցություն «Տարեցների հանրապետական խաղեր» մրցույթի քաղաքային փուլի մրցումներին:
- ✓ Անցկացվել է նախագորակոչային և գորակոչային տարիքի երիտասարդության հանրապետական ռազմամարզական խաղերի քաղաքային փուլը, որում թիվ 127 ավագ դպրոցի թիմը գրավել է 3-րդ տեղը:
- ✓ Ն. 127 ավագ դպրոցի թիմը մասնակցել է հանրապետական հրաձգարանում կայացած չէ Անկախության 26-րդ տարեդարձին նվիրված չէ դպրոցականների «Դիպուկ հրաձիգ» հանրապետական մրցումներին և գրավել պատվավոր 1-ին տեղը:



- ✓ Նոկտեմբերի 17-ին Քանաքեռ-Զեյթուն վարչական շրջանում տեղի է ունեցել մանկապատանեկան համալիր-մարզադպրոցի նոր մասնաշենքի բացման հանդիսավոր արարողությունը: Մարզադպրոցը համալրված է անհրաժեշտ գույքով, գործելու են ըմբշամարտի և ձյուդոյի խմբակներ:
- ✓ Սեպտեմբերի 21-22-ը Լիտվայի Հանրապետության Կլայպեդա քաղաքում կայացած «Բանակայինների աշխարհի առաջնությունում» Քանաքեռ-Զեյթուն մանկապատանեկան համալիր-մարզադպրոցի սան Արմեն Նակոբյանը 71 կգ. քաշային կարգում գրավել է 2-րդ տեղը՝ դառնալով աշխարհի առաջնության արծաթե մեդալակիր:
- ✓ Քանաքեռ-Զեյթուն վարչական շրջանի ավանդական կարատեի Զեյթունի մասնաճյուղի մարզիկները՝ մարզիչ, աշխարհի չեմպիոն Նարեկ Իսկանդարյանի գլխավորությամբ, մասնակցել են Լեհաստանի Լյուբլին քաղաքում կայացած ավանդական կարատեի Եվրոպայի գավաթի 5-րդ առաջնությանը և զբաղեցրել պատվավոր տեղեր:

ՔԱՂԱՔԱՅԻՆ ԿԱՆԱԶԱՊԱՏՈՒՄ

2017 թ. կանաչապատման ծավալուն աշխատանքներ են իրականացվել Քանաքեռ-Զեյթուն վարչական շրջանում:



- ✓ Քանաքեռ-Զեյթուն վարչական շրջանի այգիներում, պուրակներում և փողոցների հարակից տարածքներում կատարվել են բարեկարգման, խնամքի և պահպանման աշխատանքներ:
- ✓ Իրականացվել են հուշարձանների և դրանց շրջակա տարածքների մաքրման և խնամքի աշխատանքներ:
- ✓ Վարչական շրջանի այգիներում, պուրակներում և փողոցների հարակից տարածքներում տնկվել է **2570** ծառ և թուփ:
- ✓ Բարելավվել է **3150** քմ սիզամարգ:
- ✓ Վերանորոգվել է **280** գծմ ոռոգման ջրագիծ:
- ✓ Վարչական շրջանի այգիներում, պուրակներում և փողոցների հարակից տարածքներում տնկվել է **128500** ծաղիկ:
- ✓ Էտվել, ձևավորվել և երիտասարդացվել է **955** ծառ, ինչպես նաև հատվել են չոր կամ անկման վտանգ ներկայացնող ծառեր:



ՀԱՄԱՏԵՂ ԱՇԽԱՏԱՆՔՆԵՐ «ՀԱՅԱՍՏԱՆԻ ԷԼԵԿՏՐԱԿԱՆ ՑԱՆՑԵՐ», «ՎԵՈԼԻԱ ԶՈՒՐ», «ԵՐԵՎԱՆ ԳԱԶ» ՓԲԸ-ՆԵՐԻ ՆԵՏ

2017 թ. զգալի աշխատանք է իրականացվել վարչական շրջանում ջրամատակարարման բարելավման, մալուխալարերի փոխարինման, լուսավորության ցանցի ընդլայնման ուղղությամբ:

- ✔ «Վեոլիա-Ջուր» ՓԲԸ կողմից Լեփսիուսի, Կ. Ուլնեցու, Ա. Տիգրանյան, Դ. Անհաղթ փողոցներում իրականացվել են ջրամատակարարման բարելավման աշխատանքներ:
- ✔ «Հայաստանի էլեկտրական ցանցեր» ՓԲԸ կողմից բազմաբնակարան 12 շենքերում իրականացվել են **870** գծմ մալուխների փոխարինման աշխատանքներ:

ԱՐՏԱՔԻՆ ԼՈՒՍԱՎՈՐՈՒԹՅԱՆ ՑԱՆՑ

2017 թ. շարունակվել են արտաքին լուսավորության ցանցի արդիականացման աշխատանքները:

- ✔ Իրականացվել են **4890** գծմ արտաքին լուսավորության ցանցի ընդլայնման աշխատանքներ` **133** լուսակետով:

ԱՐՏԱՔԻՆ ԿԱՊԵՐ

2017 թ. ակտիվ աշխատանք է իրականացվել արտաքին կապերի զարգացման ուղղությամբ:

- ✔ Քանաբեռ-Ջեյթոն վարչական շրջանը համագործակցում է ԼՂՀ Շահումյանի շրջանի և Տավուշի մարզի համայնքների հետ: Կազմակերպվել են հանդիպումներ վարչական շրջանի, շրջվարչակազմի և համայնքների ղեկավարների ու աշխատակազմերի տարբեր բաժինների աշխատակիցների միջև: Իրականացվել են փոխադարձ այցելություններ, աջակցության ծրագրեր, փորձի փոխանակման նպատակով կազմակերպվել են կրթական ու մշակութային միջոցառումներ: Վարչական շրջանը համագործակցում է նաև Կուբանի կազակների հայկական միավորման հետ:
- ✔ Վարչական շրջանը հյուրընկալել է բուլղարահայ համայնքի ներկայացուցիչներին՝ համայնքի հոգևոր թեմի առաջնորդ Հայր Իսահակի ուղեկցությամբ: Պատվիրակության կազմում ուխտագնացությանը մասնակցում են Բուլղարիայի տարբեր քաղաքներից ժամանած երիտասարդներ:





**Մենք
հաշվետու ենք**
մեր համաքաղաքացիներին

ԹԵԺ ԳԻԾ՝
+(374 11) 518-889
qanaqer_zeztun@yerevan.am

